

կապես իլաթի Շահխարմենի վերա տարած հաղթությամբ խլեց Անին թուրքերի ձեռքից, կուսակալ նշանակելով նախ Սադուն (Արծրունի) և ապա Սարգիս Զաքարյան իշխաններին: Առնում է նա և Դվինը, ըստ Այրիվանեցու «ՈժԱ. (=1162) և ըստ Վարդանի «Ի վեց հարիւր երկուտասան թուին», թեև ժամանակավոր կերպով մի այն*, Գեորգին յերկրորդ անգամ Անին առնում է 1174 թվին, և վերակացու է նշանակում Իվանե Որբելյանին, իսկ ամիրա՝ Ապիրատ Պահլավունուն Տեր Բարսեղ յեպիսկոպոսի միջնորդությամբ. Վրաց պատմագիրը հաստատելով Իվանե Որբելյանի վերակացութունը, նորան ոգնական է ընդունում Սարգիս Զաքարյանին՝ հակառակ Վարդանի, վոր հավանորեն շփոթություն է յերկու դեպքերի և ժամանակների**։ Բայց մահմեդական իշխանությունները կատարելապես յետ մղվեցան Թամար թագուհու և նորա վորդու Գեորգի Լաշայի ժամանակ, վորոնց գործակից հանդիսացան Զաքարե և Իվանե եղբայրները, իրենց հորեղբոր վորդոց և մյուս հայ իշխանների հետ. իրավամբ Բրոսսեն Թամարի թագավորության պատմությունը նույնացնում է Մխարրձելիների հերոսական գործունեություն հետ իսկ վրացի գիտնական Ս. Կ-ze յուր Грузинская Царица Тамара Великая հոգվածում Իվանե Աթարեկին անվանում է «фактическим правителем царства»***.

Զաքարյանների ծագման աղբյուրները մութ յեն և հակասական. ըստ Վարդանի, Գանձակեցու և Զաքարիա սարկավագի՝ նոքա քրդական ծագումն ունին և յեկվորներ են: Ըստ արձագրությունների՝ Բագրատունյաց թագավորական ցեղից, իսկ ըստ Վրաց պատմագրի՝ Պարսից Արտաքսերս թագավորից, վոր առասպել է¹: Աղբյուրների այսպիսի հակասության պատճառով վերջին ժամանակի յերկու հայ բանասեր բոլորովին տարբեր յեղբակացության հասան այս խնդրի վերաբերմամբ. մեկը նեստորական քաղցեացիներ համարելով նրանց և ԺԱ. դարու կեսերին Հայաստան յեկած ու հաստատված Ջորաղետում, մյուսը իրական՝ արձանագրությունների տված տեղեկությունը Բագրատունի

* Գրիգոր յերեց. 426.—Վարդան. 165/6. Յայսմաւուրբ. Ստորագրութի պատմութի բաղմերջանիկ սր և փառաւորեալ հրպին Ստեփանոսի Սիւնեաց եպոս յաւրինեալ ի տր. Մխիթար վրդպաէ յեպսէ սր. ուխտին Այրավանաց: Պատմական—մատենագրական արժեք ունեցող այս վկայաբանության ծանոթությունը պարտական եմ Աշոտ Հովհաննիսյանի սիրալիրության. նրա մոտ յեղած Ջ-ից ել արել եմ հարկարվոր քաղվածքները այս և ուրիշ տեղերում:

** Վարդան. 169/70. Brosset, Hist. de la Géorgie 387.—Գրիգոր յերեց 429. Այրիվանեցի. Մոսկվա. 1863. եր. 63:

*** Brosset. Additions et éclaircissements. Histoire de la Géorgie. St. Petersb. 1851 թ. 266.—Кавказское Слово. 1916 № 99:

1. Վարդան. 181. Գանձակեցի 154. Brosset. Hist. յեր. 474: Զաքարիա սարկավագի Պատմություն. Վարդապատ. 1870. III, եր. 1':

ծագման մասին*: Մեր խնդրից դուրս է մտնել Զաքարյանների ծագման պատմության մանրամասնությունների մեջ. մեզ համար կարևորն այն է, վոր նոքա ԺԲ. դարու վերջին քառորդից սկսած առաջնակարգ դեր են սկսում կատարել Վրաց և Հայոց պատմության մեջ, հաստատվելով Ջորաղետում և գրավելով առաջնության պատիվը բոլոր հայ և վրացի իշխանների մեջ:

Առաջին անգամ Զաքարյանները յերևան են գալիս պատմության մեջ Զաքարեի և Իվանեի հոր՝ Սարգիս մեծի ժամանակ. Զաքարյանց պապերի անվան հիշատակությունն ունինք միայն, առանց տեղեկություն ունենալու նրանց գործերի մասին**։ Տեսանք արդեն, վոր Սարգիս մեծ 1161 թվին Գեորգի Գ-ի կողմից Անիի կառավարիչ էր նշանակված, բայց դորանից ել առաջ մի կարևոր հիշատակություն ունինք Հաղարձնի 1155 թվի մի արձանագրության մեջ, ուր ոմն «մեծ՝ իշխան Սարգիս» «ամիր սպասալար» Գեորգի Գ-ի հետ վանքի վերա իրավասություն ունի***: Այդ Սարգիսը կարող է մի միայն Զաքարեի և Իվանեի հայրը լինել, վորովհետև վերջինս մի արձանագրության համեմատ այդ վանքը Զաքարյանց ժառանգություն էր¹.

Սովորաբար ամիր սպասալարության տիտղոսը Զաքարյաններին շնորհված է համարվում Թամարի ձեռքով. այս դեպքում 1155 թվի արձանագրությունը մեզ շփոթել կարող է վերոյիշյալ միտքը հաստատելու համար. բայց կարող է փորագրված լինել այն հետին թվով, յերբ Սարգիսն արդեն «ամիր սպասալար» էր, կամ պատմական մի իրողություն է, վորի հաստատության համար ուրիշ աղբյուրներ չունինք: Այս յերկրորդ մտքին կովան կարող է լինել մի յերկրորդ արձանագրություն 1181 թվից, ուր Սարգիսը «ամիր սպասալար» տիտղոս ունի զարձյալ². միայն 1187 թվի մի արձանագրության մեջ «ամիր սպասալար Հայոց և Վրաց» է կոչվում³, վոր արդարև նորություն էր այդպիսի ընդարձակ հասկացողությամբ Զաքարյան տան համար, ինչպես և Որբելյանների կալվածների տիրապետությունը,

* Ա. Շահնագարյան. Շողակաթ. Գիրք Ա. Վարդապատ. 1918. Կարապետ եպիսկոպոս. Գոփյանք և Մեկիք Շահնագարյանք. ս. եջմ. 1914:

** Զալալյան Ա. 63. 28.—Յերզնկյանց. Հնախոսական Տեղագրություն Հաղարտա. Վաղարշապ. 1886. եր. 32. Ստուգված մեր կողմից՝ Հաղարտում և Սանահնում.

***. Զալալյան. Ճանապ. ի մեծն Հայաստան. Տրփխիս. 1841. Ա. 135.—Մակար յեպոս. Բարխուդարյան. Արցախ. Բագու. 1895. եր. 366:

1 Բարխուդարյան. Արցախ. չունի «հայրենի» 366 Զալալյան. Ա. 131. Շահխաթունյան. Ստորագրություն կաթողիկե եջմիածնի և հինգ զաւառացն Այրարատայ եջմիածին. 1842. Բ. եր. 370:

2 Զալ. Ա. 31. Աղգաղբական Հանդես. Իսահա Հարությունյան Գիրք. Գ. 286. Կ. Կոստանյան. Վի մական Տարեգիր. 33: Ստուգված մեր կողմից.

3 Զալ. 28. Աղգ. Հանդ. 1898. Գ. գիրք. 304. կա VII. VIII. 391. Կոստանյան. Վի մական Տարեգիր. 36 Ստուգված մեր կողմից: